

COMMENTARIUM XIX.

SCHEDIASMATA VARIA EPIGRAPHICA


RAYMUNDI GVARINII.



NEAPOLI

TYPIS SOCIETATIS PHILOMATHICAE

1843.



ANDREAE . EICHHOLZER
VIRO . INTEGERRIMO
ERVDITISS . RELIGIONIS
STVDIO . CVM . SANCTISSIMIS
COMPARANDO
REGINAE . N. A . CONFESS. SACR.

*Te paucos inter studiis adplaudere nostris ,
Novimus , Andrea , quod bene utrique siet.
Hinc novus iste tibi devotus sit labor. Vtri
Hoc melius nostrum , porro alii videant.*

RAYM. GVARINIVS . V . L . A.



Reficit animos , ac recreat varietas. Quintil. lib. 1. Cap. 12.

QUOD si nobis contigerit hisce σχ'διασμασι, quae lectorum iudicio permittere, est animus, bene erit. Sin minus : brevitatem certe, cui ante omnia ad-suevimus, fastidiuni fiet levius. Esto igitur

SCHEDIASMA I.

In aeneum dipondium cum titulo Osco.

Vbi *Bycia* quondam, quae deinde *Buca*, nunc *Punta della Penna*, agri histoniensis, de qua nonnulla alibi (1) sunt per nos delibata, aeneum dipondium paucis abhinc annis in lucem prod-iit, quod post Musei Borbonici τῶν κειμηλίων in-crementum minime ignobile accessit. Vnciis illud nostratibus sex aequale est, et conspicua in eo

(1) Comm. XIII. pag. 33.

est viri barbati ἢ πρότομον cum cirris duodecim ex aequo inter se distributis , vittaque circulari constrictis , qui a capite ad frontem , indeque ad collum usque dependent. Quo referenda sit πρότομον huiusmodi, quoque digitum typus eiusdem intendat , colligendum , nisi fallor , ex re ipsa, tituloque dipondio osce inscripto, cuius explanationi nostram interponere sententiam , sit quaecunque demum , propositum est. Titulus sic habet :

IΛEIV
ΛALC8EIV

Litera est: *Iuveis-Luvfreis*. Nam litera ζ, de qua hactenus anceps fui , fere non dubito , quin Oscis steterit pro sigmate mero. Quid nunc haec omnia sibi velint , paucis , more nostro, investigabimus.

Iuveis sine controversia est *Iovis* , et quidem casus recti, ut apud priscos latinos. *Iuveis* ab Oscis nuncupatus , quod hi litera O carebant. Quo in loco obiter insinuare lubet, quod nobis iamdudum persuasum est : *Iovem* nempe ita dictum, non a *iuvando*, ut vulgo creditum, sed ab Hebraeorum *Iehovah* , cuius vocis vestigia adhuc perennare apud Oceaniticarum insularum incolas , alibi ob-

servatum est (1). Ad haec : *Iupiter*, si vim vocis spectes, non *Iovis* ἀπλῶς est, sed *Iovis pater*; vox nimirum minime simplex, sed e duabus compacta, ut *Veiovis-parvus Iovis*, aut verius *malus Iovis*. Vid. Festum.

Luvfreis. Nominandi item casus, quod ex desinentia nominum oscorum frequentissima satis perspicuum. Sed ad vocis τῇν γεγενεσιν quod pertinet, pro composita habenda, secandaque bifariam est. Pars prior *luv*, quae integra oscis *luvs*, graecis λυκη, romanis *luux*, contracte *lux*. Pars altera *freis*, sublataque metathesi, *feris*, graecis φέρων, latinis *ferens*, in participii potestatem. Ex quibus sine ulla ambage emergit vocis integrae significatio : *lucem ferens*, seu *lucifer*. Atqui ecce tibi *Iovem*, quī graecis λυκεῖος, latinis *Lucetius*, quasi *lucis auctor*, a *luce*, ut advertit Festus, quam praestare hominibus putabatur. Hic alio nomine dictus *Diespiter*, idest *diei pater*.

His positis, quid nunc vetat, quominus dipondii τῇν προτομήν barbatam ad *Iovem Lucetium* referamus? Cur autem staterae dipondio *Iupiter barbatus*, non *imberbis*, appictus? Nam et *Iovem* quoque *imberbem* in honore apud Ethnicos

(1) Lex. Osco-latin. pag. 72. et 73.

fuisse , compertum eruditis est. Talis *Iupiter Anxurus* , unde *Tarracina* dicta *Anxur* , quod ibi Iupiter Anxurus colebatur , sic nuncupatus, quasi ἀνέυρος, imberbis. Sed staterae , quae symbolum iustitiae , aptior sine dubio typus Ζεὺς ὁ πωγώνιος , quam ἀγένης. Cirri autem duodecim ex aequo inter se dispositi facile ad duodenarium unciarum numerum trahendi, quibus *pondo*, seu *libra* romana constituitur. Ita sane, quandoquidem *pondus*, et *statera*, sacro etiam testante eloquio, *iudicia Domini sunt* (1) ; et Iupiter ipse καὶ ἀντονομασίαν aequus abs Ethnicis passim nominatus. Iovis autem Lucetii typus idcirco staterae dipondio appositus, quod *lancium* examine rerum mercalium incerta pondera , et valor certa veluti in *luce* ponuntur , emptoribus iuxta ac venditoribus tutela. Ecquem latet praeterea, tributas ab Homero Iovi *lances* , quibus Hectoris, Achillisque fatum cernat ?

(1) Parab. Cap. XVI.

Καὶ τότε δὴ χρυσεῖα πατὴρ εἵπταιγε ταλάντα,
 Ἐγὼ δ' εἵπθαι δύο κηρὲ τανηλεγέος θάνατοιο :
 Τῇν μὲν Ἀχιλλῆος, τῇν δ' Ἑκτορος ἱπποδάμοιο,
 Ἐλκε δὲ μεσση λάβων (1).

Quem more suo imitatus Vergilius noster *lan-*
ces item *duas* Iovi eidem in manus tradit pro
 Aeneae, Turnique definiendo duello :

Iupiter ipse duas aequato examine lances
Sustinet, et fata imponit diversa duorum,
Quem damnet labor, et quo vergat pondere
letum (2).

Fatorum quippe lege, *filius mortis* habebatur,
 cuius pondere pars altera *lancis* inferne deprime-
 batur. Quod ideo adnotatum volumus, ut ne cui
 fortasse fucum faciant verba illa Chrysostomi, qui
 de Paulli virtutibus ἐμφατικῶς loquens ait : *si to-*
tum contra te aliquis sigillatim iustorum ap-
pendat chorum, inveniet trutinam virtutum pon-
deribus a tua parte depressum (3). Virtutum

(1) Iliad. X. v. 209. et seqq.

(2) Aeneid. VI. v. 775. et seqq.

(3) Hom. VIII. de laud. Paulli.

siquidem aestimationem hic Chrysostomus facit ex communi trutinarum usu, quo merces quanto ponderosiores, tanto carius aestimantur. Sed ad rem nostram redeamus.

Epigrammatis osci haec verbum verbo sententia omnis.

IOVIS

LVCETIVS

Quae satis pro tituli huius explanatione haberi possunt.

SCHEDIASMA II.

In argenteum Daunorum amuletum literatum.

Cum adhuc in his essemus, ecce ex inopinato argenteum amuletum Daunorum literatum, τῶν φαλλῶν sine haesitatione censui adnumerandum. Quo de genere abs eruditis non copiose dumtaxat, sed fortasse curiosius etiam disputatum, quam ut ferre honestae aures sustineant. Nos lubrico huic argumento tantum insistemus, quantum satis pro rationibus Lexici nostri Osco-latini, cui excitando, promovendoque operam nostram qualemcumque iam dudum collocavimus.

Amuletum in agro nuper deprehensum est, qui Canusiam interiacet, ac Minervinum, quae Daunorum oppida notissima. Parte sui antica Priapi refert τὸ τορευμα satis attritum, unde constat, frequenti illud in usu fuisse apud ethnicas mulieres, artificemque propterea illius ethnicum hominem extitisse. Forma eiusdem elliptica est, cuius diameter maior pollicis fere uni aequalis est cum dimidio, minor autem pollicis uni, coque minus. Priapi ἢ ἀναγλυφή speciem exhibet connitentis cum manu utraque occipiti adplicata, quarum cubiti genibus innituntur. Conspicuum superne est foramen, quo suspendi pectori posset, ad instar bullae.

A parte foraminis laeva sic: $\Lambda\Omega = \lambda\tilde{\alpha}$. Vox mihi integra est, quam latine reddo: *volo*, turpemque subindicat Priapi voluntatem, cui statim e vestigio a parte dexteriore interrogatio subnectitur in hunc modum: $\lambda\delta\iota\varsigma = \nu\iota\varsigma$? Sic enim fortasse restituendae literae partis dexterioris, quo nescio casu, quasi penitus evanidae. Sed nihil de hoc affirmate dixerim, etsi muliebris huius voluntatis excitandae ratio manifesta pateat ex amuleti parte aversa literata, characteribus item et prominentibus, et sane elegantibus, uti ex subiecto schemate.

ΥΤΦ

Ξ

ΠΔΛ

Lege ὕληκῶς: φυλ-εγδῶ. Scriptura a dextra ad laevam procedit, quod secus factum vides in parte anteriore. Cur ita? an quod promiscua ea tempestate fuerat utraque scribendi consuetudo? an in ethnico amuleto arcanæ aliquid superstitionis latet in duplici hoc scribendi modo? In rebus huiusmodi nihil profecto ἀπιστοῦν. Sed veri fortasse similis, sic de industria conformata ab artifice partem amuleti aversam, ut si quando libitum foret, sigilli quoque vice fungeretur. Sed quidquid huius rei sit, characteres omnes et graeci sunt, et archaici, et oppido elegantes. Hoc posterius nonnullis τῆς νοθείας suspicionem ingressit, quod ex adverso γγενισθητος argumento esse, oportuerat. Cum enim amuletum omne, quaque sui parte, sua non careat elegantia, ecurr hac in parte sui literata negligenda ab artifice fuerat? Characteres porro archaismum redolere, patet manifeste 1. ex litera Φ, quae exhibetur sine linea transversa. 2. ex litera Λ, quae parum distat a litera V, crure eius sinistro paullum imminuto. 3. demum

ex forma τοῦ Ω, quae est Ω. Ad rem nunc quod attinet, αἰο, titulum, etsi graecis delineatum characteribus, osce nihilominus incedere. *Hui!* audio te submurmurare: ὄσcum epigramma graecis delineatum formis! Quidni?

An non Dauni medii incolebant Graccos inter, atque Samnites? atqui licuit Oscis osce scribere romanorum characteribus, quod evidentissime constat cum ex *Aere Castrano de re macellaria* (1), tum ex *Aere Rapinense* de controversia Maruccinorum pascuaria (2). Cur igitur non et Daunis licuit, osce interdum scribere graecanicis literis? Sed plusquam satis in tituli cortice. Quid nunc sub cortice lateat, operosius inquirendum: quod autem adgrediamur, quaedam in mentem sunt revocanda, quae fusius alibi, et prolixius sunt inculcata.

Italiae universae cum Graccia unum initio fuisse sermonem ab Oriente suis cum advenis traductum, qui deinde pro caeli temperie, regionumque diversitate, aliisque de causis, ut usuvenire solet, sensim sine sensu in alias, atque alias abiit dialectos, cognatas omnes inter se. Quod nisi

(1) In Comm. V. excurs. critic.

(2) Comm. XX. *Nupera quaedam osca.*

praeconceptum animo habuissent Cloatius Verrius (1), Varro, Verrius Flaccus, Nonius, Festus, A. Gellius, quique de linguae latinae originibus tractarunt, cur non ad Celtas, Germanos, Numidas, Phoenicios, aut alios quoscunque provocarunt, sed ad Graecos, Sabinos, Vmbros, Oscos, Volscentes, Marsos, ut nihil de Graecis dicam? Nonne Latinis, Oscisque voces plurimae communes, ut *multa* ex gr. et *mantisa*, et *solla* pro *tota*, unde facile *solidum* derivatum, et qua uti Lucilius minime dedignatur?

Svasa (2) quoque omnino dirimit non *SOLLA* *dipondí*.

Sed ad haec reponet quis: pauca haec eo consilio aliunde corrassa de industria, ut hoc ipso innotesceret, ea peregrinae, non romanae originis esse. Quibus ita occurrimus.

Adeo-ne pauca? atqui quanto plura didicissemus, si veterum scriptorum omnium lucubrationes ad nos pervenissent? quid si non imminutae, interpolataeque ad calamitatem usque, sed

(1) Noct. Attic. Lib. XII. Cap. 12.

(2) De voce *svasum* vid. Verr. Flacc. pag. 497

integrae? Quid si non tanta laboraremus oscurum inscriptionum in primis penuria? Et tamen in uno Cippo Osco-Abellano, cui adde Aes mutilum *Castranum* cum plebiscito *Rapinensi de re macellaria*, ut missas faciam voces manifestarie graccas, quales, quantasque voces non incurrimus puras putasque latinas, immo verius Oscanum, Romanorumque communes? Nonne tales: *actud* pro *actu*, *dolud* pro *dolo*, *malom* pro *malum*, *altrei* pro *alteri*, *ipsipi* pro *ipsi*, *vestiri* pro *vestri*, *carneis* pro *carnes*, *cadeis* pro *cadis*, *senateis* pro *senatus*, *atrod* pro *atro*, *contrud* pro *contra*, *comoni* pro *communi*, *sipus* pro *callidus*, *licitud* pro *liceto*, *estud* pro *esto*, *factud* pro *facto*, *facus* pro *factus*, *sefacust* pro *factum est*, *prufatted* pro *probavit*, *isdum* pro *idem*, *anget* pro *aget*, *ocriis* pro *montibus abruptis*, *totai* pro *totae*, *ovias* pro *oves*, *perum* pro *per?* et *tiurrim* pro *turrim*, et *eitiuva* pro *aedicula*, et *eitiuvad* pro *aedificavit*, et *aisce ligis* pro *hisce legibus*, et *anter* pro *ante*, et *riigiia* pro *basilica*, et *tristamentud* pro *testamento*, et *pudist* pro *pudet*, et *im*, *am* pro *eum*, *cam*, et *exac*, *exaic*, *nam*, *fortis*, *dat*, *patriis*, *thesaurei*, *endo*, *treis*, *urust* ab inusitato *uruo*, et quae non vacat singula ulterius persequi, de qui-

bus consule , si lubet , alibi (1) a nobis dicta ? Quae etsi vera sint , nihilominus fatendum , quod res est : in dialectis huiusmodi perdifficilem adhuc perseverare primae vocum originationis investigationem. Nam si id negotium facessit in ipsis veterum Latinorum locutionibus ; quanto hoc maius in dialectorum desuetarum vocibus ? *Latine enim loqui* , ut monet Verrius Flaccus , *a Latio dictum est , quae locutio adeo versa est , ut vix ulla pars eius maneat innoxia*. Sic enim recte in margine correctum , quod in quibusdam *ms.* erat *in notitia*. His positis , haec nobis via tutior habita semper , quam non abs re heic iterum inculcare : in linguis , dialectisque notis a vocibus notae significationis ad res latentes facile , tuteque procedimus : at in desuetis ex adverso , abditisque a rebus potissimum notis ad vocabulorum incertae potestatis intelligentiam caute , prudenterque incedendum. Cuius lemmatis quanta sit vis , atque utilitas , paucis in re praesenti experiamur.

De Priapi amuleto heic agi , meminerimus. Ergo huc referenda tituli verba insolentia. At ecce

(1) Cipp. Osco-abellan. Com. V. XX. et Fasti Ilvirali an. 1841.

nobis in ipsa eius prima vocula nucleus sine nucleo, ut ita dicam, patefactus. *Fyl* enim osce erit, quod latinis *filius*, vulgo *figlio*, graecis *ύιος*, Hispanis *hijo*, Gallis *filis*, et nostratium bene multis *fijs*. Vocis fundus $\phi\upsilon\omega$, *eis* = *gigno-is*. Nec maius facessit negotium vox altera *endo*, quae priscis Latinis perfamiliaris. Vox huiusmodi in compositione fuit *inter*, ut *endotercisus* — *interciscus*; *endoitium* = *initium*. At seorsum fuit vel absolute *in*, ut *endo manu* = *in manu*; *endo procinctu* = *in procinctu* (1): vel *in hoc*, quod Graecis est *ἐν τῷ*. Et quando de praepositione *en* incidit sermo, quae eadem Oscis cum Graecis, non piget, quae de voce *emapui* alio loco disseruimus, hic accuratius statuere. Vocem deduximus a themate *ἄπυω*, vel *επύω*, quod est *clamo*, unde *ἡπυη* = *clamor*. *Emapui* igitur, nominandi casus pluralis, proprie erit *inclaman-tes*. Hinc proletariae illae vulgi nostri voces *ammopire-vocem amittere*, et *ammopito*, quem nempe vox defecit, quarum radices *am* pro *α*, particula privativa, et *οΨ*, vox, unde *ελλοΨ* = *mutus*.

(1) Lucret. v. 1094.

Sed nescio , quo casu in tantum processit oratio. Quippe

Vrceus institui coepit , cur amphora prodit ?

Vela itaque contrahamus , oscique epigrammatis sententia omnis Osce , Graece, Latine verbum verbo reddatur :

I.

Osce.

VV..o...

JIG

I

VXH

Si quis forte roget, enī ΔΩ osce reddimus LV, sic respondeo. 1. Quod oscis pro O erat V. 2, quod literae huius adhuc Daunorum vulgus est tenacissimus , cui *Antonius* est *Antuonio*, *stomachus* *stuomaco* , ne singula persequar.

II.
Græce
ΑΩ....λῶις ;

ΥΙΕΣ
ΕΝ
ΤΩ

III.
Latine.
VOLO...vis?

LIBERI
IN
HOC

Digna prorsus Priapi sententia, ethnicaeque superstitutionis palato accomodatissima. Si quis vocem φυλ breviatam velit pro φυλακη, erit *custodia*, vel *tutela in hoc*; nec sententia abhorret ab amuleti subiecta re. Sed hoc posito, nexus non ita facilis adparet inter utramque eius partem literatam, anticam aio, et posticam.

Pauca nunc in uberiores τῆς amuleti γνέσιον-θῆτος confirmationem, finemque faciamus:

Finge paulisper, amuleti artificem, non ethnicum extitisse hominem, sed christianum. Cui tandem ille fraude hac sua fucum fecisset? nempe eruditulo alicui talium cupediarum sectatori. Verum ut hoc ei pro voto suo cederet, amuletum vix absolutum infodiendum alicubi ad longum tempus fuerat, quo demum novitatis facie exuta

vetustatis speciem , quam prae se fert , ementiretur. Sed eccui demum haec omnia profutura, si quid tandem forent profutura? nemini profecto minus, quam ipsi fraudis opifici. Pro veteris sane nummi alicuius suppositione multiplices veteratoris animo occurrunt illiciae, quae vel mediocriter eruditis notissimae; quarum nulla similis praesumi potest in eo genere, in quo nunc versamur. Sed taedet iam in his refellendis serio immorari. Ipsum per se, et pro se, amuletum, cui illud intueri oculis, manibusque contrectare, liceat, testimonium dicat, cui neminem confidimus fore refragaturum.

SCHEDIASMA III.

De voce CASTROD aeris Castrani.

De voce hac, quando in eam primo incidimus, sic olim (1): *probabile, quod nunc OPPIDVM, id fuisse quondam CASTRVM nuncupatum. Meminit Frontinus agri cuiusdam Castrani, lege Augustaea assignati* (2). Quorum nihil est, quod

(1) Comm. V. pag. 138. an. 1820.

(2) Goes. pag. 118. et 121.

poeniteat. Sed quando in mentem venit Vergiliani huius versiculi (1)

Pometios, Castrumque Inui, Bolamque, Co-
(ramque ,

placet in rem hanc curiosius per otium inquirere.

De *Castro* hoc *Inui* Vergiliano sic adnotator Delphini: *oppidulum Rutulorum in litore Tyr-
rheni maris, nunc dirutum; ei dicatum Deo,
qui Graecis Πᾶν, Latinis Faunus, Fatuus, et
Inuus dictus est ab ineundo, quod animalia
passim iniret.* Qua in adnotatione unum hoc non placet, quod *Castrum Inui* Vergilianae tempestatis, aut certe temporum anteactorum, *oppiduli Rutulorum* sit nomine traductum. Atqui *Castrum Inui* a Poeta confertur cum nobilioribus Italiae oppidis, quorum spe, ac pollicitatione ab Anchise erigitur, et confirmatur Aeneae animus ad duriora quaevis deinceps toleranda. Sic enim ille suum apud Inferos Aeneam adfatur :

(1) Aen. Lib. VI. v. 775.

Hi tibi Nomentum , Gabios , urbemque Fi-
(denam;

Hi Collatinas imponent montibus arces,
Pometios, Castrumque Inui, Bolamque, Co-
(ramque.

Haec tum nomina erunt. Nunc sunt sine no-
(mine terrae.

Castrum hoc Inui , ut a Servio discimus, dictum postea *Castrum-novum* , voce *Inui* , usu populari , ut puto , cum *novo* commutata propter soni adfinitatem. Ita nunc *Terracina* , vel *Tarracina* , quae antiquitus *Ταράχιν* , et *Ταρραχιν* , aliaque bene multa eiusdem exempli. *Castrum* porro hoc ideo *Inui* additamento connotatum non dubites , ut ab aliis *Oppidis* cognominibus secerneretur. *Scio* , obiectum Vergilio fuisse, quod *nul-lum in commemorandis regionibus ordinem servat , sed locorum seriem saltibus lacerat* (1). Non tamen *Castrum* hoc *Inui* temere cum *Castro* aeris Lucani confundendum , cui sedes dubio procul in Lucania quaerenda est, et quo respicere non dubito agrum illum Castranum a Fron-

(1) Macrob. Saturn. Lib. V. Cap. 15.

tino semel iterumque insinuatum, assignatumque lege Augustaea. *Castrum* hoc Lucanorum, *Oppidum* deinde nuncupatum, medium prope extat Potentiam inter, Acherusiamque, non procul a Venusia. Locus plane mediterraneus, veterumque monumentorum fama insignis. Nam praeter *Aes Castranum* in eo detectum iam ab anno 1793, inque regium Museum invectum (1), anno item 1834 ad montis Oppidensis radices marmor pretii quantivis fuit detectum, quod anno proxime insequenti pro viribus expositum (2) publici iuris primi fecimus. Praeter caetera, ἐν τῷ καιμῆλιῳ luculenta notitia est Collegii amplissimi, *Silvano* sacri, votique splendidissimi a L. Domitio Phaone suscepti pro salute Domitiani Augusti.

Castro, ut ex aere Lucano colligimus, duo fuere Pagi adiuncti, minimeque ignobiles, *Bansa* videlicet, et *Sansa*. Distat prior ab eo, quod nunc *Oppidum* dicitur, M. P. fere VI. suumque ipsi constat adhuc vetus nomen. Noti *Bantini saltus* ab Horatio celebrati, *Bantinique populi* Pliniani. Sed nobilior Livii de eo locus, qui talis est (3):

(1) Vid. Comm. IV. et V. cum critic. in ipsum excurs. an. 1841.

(2) Var. mon. con crit. osserv.

(3) Lib. XXVII. Cap. 25.

in Apuliam a Brutiis reditum , et inter Venusiam, Bantiamque, minus trium millium passuum intervallo, Consules binis castris conserunt.

Cum *Sansae* nomine minus prospere actum. Nam consecutis temporibus a prisca sui appellatione aliquantisper deflexit. *Sansam* enim eo prope constitisse arbitramur , ubi nunc *Anzi* , M. P. fere XVIII. ab Oppido dissita , e regione *Bansae*. Locus veterum Figlinarum gloria iam diu percelebris. Vt igitur eo demum redeat oratio, unde profecta est , de hoc Lucanorum *Castro* intelligi oportet CASTROD illud aeris Lucani , cuius ager non *Castrensis* , sed *Castranus* dicendus , ut Frontini locus initio memoratus satis insinuare videtur.

Minutiora haec , fortasse inquires. Esto : sed non idcirco negligenda. *Castranum* namque ea unice respicit, quae *Castrum* oppidum utcumque attinent , ut *Castranus ager* , *Castrana balinea* , *respublica Castrana*. At *castrense* ex adverso intra *rationis castrensis* fines concluditur , ut *verbum castrense* , *castrense peculium* , *castrensis corona* , *testamentum castrense* , *triumphus castrensis* , aliaque huiusmodi. Quam bene ad

rem occurrit illud A. Gellii (1): *quaerere nonnumquam apud me metipsum soleo res eiusmodi, parvas quidem, minutasque, et hominibus non bene eruditis aspernabiles, sed ad veterum scripta penitus noscenda, et ad scientiam linguae latinae cum primis necessarias.*

Erit fortasse, qui sciscitabitur, quo potissimum tempore *Castri* nomen cum *Oppido* fuerit commutatum. Cui interrogationi satis fieri ex parte potest, integre, pleneque omnino non potest. Profecto *Castri* nomen constabat Augusti aetate, cuius iussu, Balbi de Provincia Picena catalogus est concinnatus, in quo *ager Castranus* diserte commemoratur. Ad haec: *aeris Castrani* pars altera literata tota est de Claudiana lege *in rem macellariam*. Quae si vera sunt, nominis huius continuatio protrahenda saltem est ad usque Claudii tempora. Si quis ultra scire desiderat, is Oedipum adeat.

Haec nova veluti *παραλιπομενα* subtexenda parti alteri *Tabulae Oppidensis*, quam meliori consilio *Castranam* dici malumus. Sed et parti priori *aeris* eiusdem, quam in confesso est, *de re vestiaria* omnem esse, nonnihil adiiciendum, id-

(1) Noct. Attic. Lib. XI. Cap. 3.

que non de nihilo. Quale istud, ais? plebiscitum nempe hocce non cives romanos universos indiscriminatim respexisse, sed eos dumtaxat, quos *iudiciis publicis* interesse, oportebat. Nec fateri pudeat, quod nos hactenus fugerat, hoc tandem admonitos a viro docto Basileense, nostrique studiosissimo, cui gratias, ut par erat, egimus, et maximas porro aeternum habebimus.

SCHEDIASMA IV.

Nuperi quidam tituli exponuntur.

Meta. Oppidum florentissimum in litore maris. Ita nuncupatum, quod ibi fines constituti Stabiansis agri, et Surrentini. In Metano igitur agro recens effossum marmor literatum de sepulcralium genere, characterum elegantia plane conspicuum. Est autem huiusmodi.

D . M .

SABIDIVS . SER.

VIX . AN . XL . COSE

RVA . COIVGI . B . M .

Sabidia gens occurrit apud Gruteram (1). *Sabidium* hunc, etsi uno *servi* nomine contentum, pro *Liberto* habeo una cum coniuge, cuius nomen brevitatis studio, anne et modestiae? an utriusque simul? reticetur, cui et satis, *Conservam se*, sine alio, dicere.

Quod sequitur, prope viam Campanam Puteoli repertum, Camillus de Petra, vir humanissimus, Beryti Archiepiscopus, summique Pontificis apud Regem nostrum Nuntius, sui iuris fecit, et nobiscum amiciter communicavit. Tale autem est :

D . M .

TI . CAEPI . PON-

TICI

CAEPIA . ONESIME

VXOR . CONIVGI

BENE . MERENTI

ET . SIBI . SVISQ. POS

TERISQ . EORVM .

Caepius item hic cum *Caepia Onesime*, uxore sua, *Caepiorum* habendus libertus. Viri, cum servitutem serviret, nomen *Ponticus*, quod *Pon-*

(1) Pag. 650. n. 3.

ti oriundus erat, uxoris vero *Onesime*. Gens *Caepla* eadem mihi, quae Latinis *Cipia*, Osciis *Cipiis*.

Puteolani iterum agri titulus hic alter *Classarius*, qui in lucem prodiit, tertius hic iam annus est; eoque amplius. Trieris *Victoria* in eo commemoratur, in qua C. Numisius Heraclida militavit annos XXIX, defunctusque est annorum LV. Militiae ergo nomen dedit, cum esset annorum XXVI. Tumulum ei appararunt Ammonius Ammonianus, sic cognominatus, quod Ammonii alterius, gentilis sui, adoptivus fuerat, cum coniuge sua Julia Caelestina, qui ambo Numisii heredes. Sed et Ammonius Numisii quoque manipularis fuit EX. EADEM, nempe *Triere Victoria*, ut pronum est subintelligere. Numisiorum porro Pompeis potissimum, locisque finitimis saboles uberrima. Titulum nunc in medium proferamus :

D . M.

C . NVMSIO . HE . P . A
 CLIDAE . NAT . G
 MANIP . III . VICTORIA
 VIXIT . ANN . LV . MIL .
 ANN . XXVIII . AMMO
 NIVS . AMMONIANVS
 EX . EADEM . ET . IVLIA
 CELESTINA . COIVX
h. EREDES . B . M . F .

Celestina. Sic quadratarii oscitantia pro *Caelestina*. Quod ideo dico, ut ne quis in animum sibi inducat, diphthongos syllabae producendae non semper indicia esse certissima. Sunt enimvero talia, et talia sunt perpetuo, si tamen bene sint collocata. Quod si aliud pro alio humanitus exciderit, habendae pro nihilo sine dubitatione sunt. Σφαλματα quippe, utpote quae a regula exorbitant, nullam sancire regulam valent. Quis enim, ut uno exemplo sim contentus, *Helenae* primam syllabam corripientem negarit, quod in marmore quodam Saepinate est *Haelenae* pro *Helenae* (1)?

(1) Comm. XVII. pag. 47.

Ecce nunc elogium infantis funerarium, nullam redolens ethnicam superstitionem. Nuper illud detectum inter fines oppidi *Fontis rosei*, quod olim agri aeclanensis pars. Refero ad annum aerae nostrae 482, quo tempore Consul Vir clarissimus processit *Severinus*, si recte per nos suppetiae sunt marmori allatae, qua parte sui iacturam fecit. Ecce illud tibi, quale ad nos delatum ab homine erudito Angelo Beatrice:



HIC . REQVIESCIT

IN SOMNO . PACIS

GAVDIOSVS . QVI

vi . XIT . PL . M . ANNVS

III . DP . EIVS . VISE

Flavio . Severino . VCC.

VISE versus penultimi sic distinguendum videtur
 v.i. SE. idest *V. Id. Septembr.* At si cui placeat
 VI. Sept. hoc est : die VI. Septembris, liberam
 illi esto iudicium suum. DP v. 5 est DEP. L.:
Depositio.

Cur nunc, sciscitaberis, marmoris aetatem ad
 an. Ch. 482 retulimus, quo tempore Consul

erat *Flavius Severinus* ? Nam in Fastis plures occurrunt *Severini* consulari dignitate insignes. Occurrit ad an. 487. Anicius Manlius *Severinus* Boethius, consul occidentalis sine Collega. Occurrit ad an. 510. Anicius alter Manlius *Severinus* Boethius, consul occidentalis, cui a Iansonio non recte additur Consul Fl. Eutharicus, ut post Pagium adnotavit Hagenbuchius ratum non habemus. Occurrunt demum ad an. 522. Q. Aurelius Anicius Symmachus, et Anicius Manlius *Severinus* Boethius, Consul uterque Occidentalis, iidemque fratres. Et de biga hac postrema consulari nec aegre adduci possum, ut cogitem; idemque aio de *Severino Boethio* an. 510. Supersunt ergo *Severini* an. 482. et 510. In *Severinum* hunc an. 510 inclinaret animus, nisi unum obstaret, quod quanti sit, iudicent eruditi. In marmore nostro est: *Severino* V. C. sine alio additamento. Ergo de *Flavio Severino* an. 482. cogitandum potius, quam de *Severino Boethio* an. 487. Quamobrem ultimus tituli versiculus sic videtur restituendus:

Flavio Se. VERINO V. CC.

At in marmoris τῷ ἐκτύπῳ ad nos delato est: VCC. Et hoc erratum fortasse quadratarii, vel descriptoris, legendumque: V. C. Nam si de duobus consulibus res erat, dicendum fuerat non V. CC. sed VV. CC. At nihil his opus; absolvendusque omni culpa cum scalptore descriptor: VCC enim recte explicabuntur sic: *Viro clarissimo Consule.*

Quid, quod ciendis duorum Consulum nominibus locus minime suppetebat in angusto versicali spatio? quid, quod in monumentis eiusmodi unum fere cieri Consulem, eumque Occidentalem, consuevisse, innumeris docemur exemplis? Tantus in parvis labor! quae Momus, quia ignorat, blasphemet, licet, eumque sibi parcere monemus, ne fortasse sudet. Nos interea ad alia pergamus.

De Amphitheatri Acclanensis ruderibus sane magnificentissimi insigne nuper prodiit monumentum a Nonio Vero, Corr. Apuliae, Calabriaeque, positum Constantino Magno, quod tale est:

F. ORTISSIMO . AC

PISSIMO . IMP.

D . N . CONSTANTINO

MAX . P . F . INVICTO

AVG.

NONIVS . VERVS . V . C .

CORR . APVL . ET . CALAB .

D . N . M . Q . EIVS

Lin. 4. sic reddenda : *Maximo. Pontifici. Felici.* Monumentum hoc puto statuam fuisse elegantissimam, cuius bustum paucis ante annis in eodem loco repertum sui iuris fecit Fridericus Cassittus V. C. quem penes extat fragmentum hoc characteribus exaratum, quorum altitudo pollicibus novem aequalis :

..... NTINA

... VA . PEQVN .

Quid hoc? Mulier primaria, cuius nomen latet, *Repentina* fortasse agnominata, opus exegit *sua pecunia*, quod memoriae tradendum voluit. In tegulo sic; characteribus tamen inversis, ut in sigillis :

HERCVLI

Adspirata innexa est literae E.

Sequens fragmentum votivum Christianum probat prope Amphiteatrum :

. . . VS . VOTVM . COMPLEVERVNT . A † Ω

In cippo alio item votivo sic a parte anteriori :

DEO

N . ARRIVS . DEXTER

M. . . A . NYMPHODOTI . L . R .

V. S. L. M.

A parte autem aversa sic :

DEO

N. A. D.

M. N. L. R.

V. S. L. M.

Quis nunc *Deus* iste anonymus, cui Arrius Dexter cum Liberta Nymphodoti votum solvit libens merito? *Επιχαιριον*, seu patrium, intellige Aecla-

nensium, quem fas non erat nominare. Sic *Deae Bibracti*, sine alio, ut cacteris parcam exemplis (1). Cippus inventus, ubi ad plura saecula delituit Corpus S. Prisci Confessoris. Locus hic innumeris consitum literatis frustulis, et sarcophagis, spem prae se fert ingentem effossionum, si quando placeat has adgredi: in eo enim positum Aeciani erat veluti meditullium. Ibi nunc a fundamentis excitata, et restituta est vetus haec aedicula in honorem B. Prisci, quam ipsi hoc titulo ornavimus:

Hic ubi corpus B. Prisci Conf.
Per saecula fere V. delituit,
Aedicula in honor. eiusdem,
Ineunte iam saec. XII. fuerat extructa:
Quam porro conlaps. vixque fama,
Ruderumq. notam reliquiis,
Raphael de Placido solo, et peq. sua
A fundamentis restitutam
Decenter ornavit
An. 1843. Kal. Dec.

(1) Vid. Hagenbuch. Ep. epigraph. p. 70.

Levius hoc , quod sequitur, sed tamen longe operosius :

D . M .

AECLA^o . GR

APH^o , AECLA

GRAP . FILIO

B . M . F .

Titulum ipsi adcuratissime exscripsimus, quem sic legendum, arbitramur :

D . M .

Aeclania Gr

apha Aeclanio

Grapho Filio

B . M . F .

Grapha nomen est *Aeclaniae* , cum servitutum serviret, quae libertatem adepta, *Aeclaniae* nomen sibi ab *Aeclano* vindicat. Plures Aeclanios Libertos aeclanenses alibi recitavimus (1). *Graphae* filius *Aeclanius Graphus* , nomine u-

(1) Novell. mon. eclan. facc. 25. Osservaz. sopra alcuni nuovi monum. fac. 10.

troque a matre mutuato. Patrem ergo ciere nequibat, et idcirco ventris conditionem sequitur.

Coronidis loco epigramma iucundissimum placet afferre, cuius exemplar Benevento ad nos transmissum si quis inspiciat, in Pharaonis somnia se incidisse, putet. Somniorum nihilominus arcana revelanda mysteria nullo territi labore suscepimus, susceptique laboris minime poenitet. Quae minoribus notata formis, ea nostra esse, sciat lector. Epigramma capite, vel cauda multatum est, quo loco mulieris defunctae nomen cum aetate, fortasse etiam et tumuli curatore, descripta esse, oportebat:

TV. QVI. SECVRA. SPATIA. *ri*. S. MENTE. VIATOR

ET. NOSTRIS. VOLTVS. E. *ri*. CIS. INFERIEIS

SI. QVAERIS. QVAE. SIM. CINIS. *e*. N. SVM. *rap*. TA. *fav*. ILL. *ae*

ANTE. OBITVS. TRISTEIS. *fle*. VE. *ram* et orb. A. VI. *ri*

CONIVGE. CVM. CARO. IO. *ng*. O. di. SCR. imine. rerum

CONCORDEI. SE. *mper*. BIXIMVS. INGENIO

NVNC. DATA. SVM. DI. *ti*. LONGVM. MANS *ura*. per. AE. vom

DEDVCTA. ET. *th*. AL. amo. de. BITA. Q. uae. St. YG. io.

Carmen vel sic aetate dignissimum Augustaea. Nova prorsus eiusdem conclusio, qua cum mocroris sensu exquisitissimo translata in rem fu-

nerariam sunt *dandi*, *deducendique* verba nuptialia auspicatissima.

Verum ecquid morae est, ut tertias heic curas nostras afferamus in vexatissimum Borgiani olim Musei metricum epigramma, quod a Piranesio primum V. C. minus prospere exscriptum Marinii viri summi ingenium torsit (1)? Non enim, qui talia lectoribus apponunt, his animus est, iustam illis caenam apparare, sed diversa potius afferre gulae oblectamenta, pro convivarum vario palato. Marmor hoc de Museo Borgiano in Borbonicum tralatum ipsi diu serioque consulimus, et ex eius autographo sic demum statuendum videtur;

(1) Conf. *mon. var. con crit. osserv.* pag. 54.

DEBILIS. ALBVNEO. STETERAT. QV.i.LVRCIVS. AMN. ei
ARTICVLVM. MEDICIS. VT. TENVARET. AQVIS
DENTE. QVOD. HETRVSCI. TVRGEBAT. SAVCIVS. APRI
ET. RVSELLANO. FONTE. SOLVTVS. ERAT
H. *hoc*. NACTI. BITAM. NERVI. TENVISQVE. CICATRIX
ET. CELER. A. SEPTO. CVRRERE. COEPIT. EQVS (*sic*)
DAT. TIBI. PRO. MERITIS. AEDEM. DE. MARMORE. DONVM
QVA. MEDIA. GAVDES. LYMFA. SVBIRE. VIAM.
TIBIRIS. ADVERSAS. DOMINVS. QVA. RESPICIT. AEDÈS
FRONTIBVS. ET. PICTIS. AELIA. VILLA. NITET.

Lurcius nomen fuisse *Equi* videtur , quem
inter venandum ab *Apro* sauciatum , aquae in
primis *Russellanae* sanitati restituerunt.

ADDENDA FAST. POMPEIOR. II VIRALIB. AN. 1842.

De IIviratu L. Ceii Secundi, et L. Ceii Labeo-
nis actum in Opere commemorato (1). Adde ex
nuperis efflotionibus hoc :

L. CEIVM

II. . VIR . OV . F . D . R . P .

(1) Pag 46. et 115. et seq.

De Calventii *Uviratu* cum Sittio Magno vide (1)
ibid. Adde nunc :

G . CALVENTIVM . SITTIVM

D . VIR . I . D . V BONI . VICVLA .

Subintellige ad finem : ovf. vel rog. Titulus est rogatorius pro altero Calventii Duumviratu cum primo Sittii Magni. Rogationem faciunt *Vbonii*, et *Vicula*. Hoc posterius muliebre nomen est, quod nunc primum aures percelit. Mulieres pro Magistratibus Pompeianis rogare, exemplo non uno docemur. *Viculae* nomen nihilo minus nostras afficit aures, quam nomen *Sulioli* (2) virile, aliaque generis eiusdem, quae non vacat colligere. Idem de *Vbonia* gente dictum volumus, quam *Viboniam* mallet, a Grutero (3) recensitam, aut *Vmboniam* τῆς ἀναλογίας χάριν ab *umbone*. Sed nolo lectionem sollicitare, quam nobis exhibet Avellini, Collegae nostrum amantissimi, manus oculatissima. Si quid in hoc erratum, tituli scriptori stet.

(1) Pag. 126.

(2) Pag. 136.

(3) Pag. XCV. n. 6.

SCHEDIASMA V.

QUAEDAM NOSTRA.

I.

Λ X Ω.

Iosephi Palmae. nat. Sic. Ord. Carmel.

Hic

Cum supremo Ord. sui regimini
Praecesset, Abellinat. Episc. renuntiatus,

In ipso S. Visitationis primum

Suscepto negotio,

Contra omnium vota,

Frequenti diem clausit extremam

IV. Id. Oct. an. 1843.

Pontificatus sui mense quinto.

Vir pietate in Deum, misericordia in egen.

Doctrinae laude, animi magnitudine,

Cum praestantiss. comparandus.

Ad eundem.

Quo nostrae de te conceptae spes abiere ?
 Quo tantae de te spes abiere , Pater ?
 Tu nobis vix dum , Solis radiantis ad instar,
 Exoreris , quem nox turbida praeierat :
 Vix iter ingrederis , magni de more gigantis,
 Cessas .. aeternumque occidis heu ! miseris.
 Te mage profuerat , numquam novisse, tui quos
 Nunc desiderium , cordoliumque premit !
 Nec modus hisce ullus, nisi te tibi denique Pastor
 Excipiat similis. Nam tibi quando parem ,
 Quaeve aetas tulerit ? .. Carmeli gloria, salve!
 Heic , mortale quod est: Spiritus astra tenet.

3.

Dominicus de Hieronymo , Rochi Fil.
 Patria Molinara , Eq. Ord. Franc. I.
 A puero
 In amoenior. literarum palaestra
 Ea ingenii specimina exhibuit ,
 Quae aequalibus invidiae ,
 Proveciorib. admirationi essent.
 Seveciorib. post instructus disciplinis ,

(43)

Per annos octo ultra quinquaginta
Public. honorib. continenter functus.
A iudiciis demum Cur. Supremæ Neapol.
Hoc in munere strenue obito
Ob. prid. Kal. Nov. an. 1842.
Vix. an. 85. M. I. Dies 27.

4.

Franc. Xaverio Gualterio, Dominici Filio,
Aquilano, patriæ primum suæ, deinde
Casertæ Episcopo,
Eq. Magnæ Crucis Franc. I.
Vir hic
Pietate, doctrinaq. insignis,
Veter. monumentor. usu in primis
Attritus,
Ipso ore, habituque corporis
Ad modestiam comparatus,
Id esse clam sategit, quod videri velle,
Propius abest a virtute.
Ob. XI. Kal. Sextil. an. 1831
Vix. an. 91. M. 10. D. 21
Angela e Baronib. Alexandris
Pro sua, et viri quondam sui
Voluntate

5.

Vincentio Riccae , Anton. fil.
E Baronib. Cappellanotis,
Domo Sparanensi. optum. spei adolescenti,
Cum an. ageret XVIII. ultra dieni I.
E vivis sublato
Postrid. non. Martii an. 1843
Maria Theresia Beatrix,
Mater nomine non digna suo ,
Filio desideratiss.
Contra. vot. pos.

6.

Memor. aeternae
Salvatoris Neapolitani , Augustini fil.
Pago Quadrellarum.
Vix. an. 66. Mens. 9.
Dum vixit , vitae innocentia,
Morum simplicitate , sed in primis
Prolixa in egen. voluntate
Praeluxit.
Hinc pauperum desiderio
Suas admiscendo lacrimas

(45)

Dominicus , Donatus , Hiacynthus

Parenti optumo pos.

Ob. an. 1840. prid. Id. Iul.

7.

Malorum praemia , morum eversio.

Dum tales scelerum fructus capiuntur in Vrbe ,

Quis porro, Cives , audeat esse bonus?

8.

Signaculum, sacrar. reliquiar.

Ramentis coagmentatum,

Sacrum et ipsum esto.

9.

Aliud scribere , aliud transcribere ,

Quod tu librorum magna spatiaris in aula,

Turges , teque aliis inde praecire , putas.

Plura hinc transcribes unus, quam scribere plures

Porro queant. Decus hoc nemo tibi invidcat.

Ad Guilielmum IV. Regem Borussiae.

Tu Divae Matri priscos indicis honores,
 Quos Lutheri rabies sustulit e medio?
 Gratulor hoc tibi, Rex, tibi nec sim vanus ha-
 (ruspex,
 Si Domina haec nescit vincier officiis.
 Iam nova fata tibi meliori stamine current,
 Stamine, quod manibus neverit ipsa suis.
 Tu modo ne cesses, tantum quo denique coeptum,
 Te monstrante viam, perficiatur opus.
 Non armis opus hic ullis, non fraude, minisve:
 Exemplo praeceas, caetera crede Deo.
 Te proceres primum, populi te deinde sequentur:
 Principis exemplo cuncta subesse, puta.

ANDREAE HEICCHOLZER

RAYM. GVARINIVS S. D.

*Qui nomine tuo auspicatissimo apertus est
 hic rerum oscarum rivulus qualiscunque, no-
 mine eodem claudi, omnino aequum est. Si-
 gnificasti mihi saepius, te optare, ut in Osco-
 rum grammatica id experiamur, quod pro
 επιγραμμάτων oscorum factum est, quae de
 osco in latinum idioma transtulimus, addito*

Lexici Osco-latini levidensi tentamine. Nec te latere volo, idem nobis significatum abs viris aliis eruditis bene multis.

Atqui si de parte illa Grammaticae sermo sit, quam συνταξιν dicere consuevimus, super-vacaneum quaeri laborem. Haec enim eadem est, quae Latinorum, ut ex literalibus τῶν χειμῆλειον oscorum versionibus nostris facile colligere est.

At si de parte illa intelligatur, quae tota arbitralis est, de nominum puta desinentia, pro casibus variis, verborumque inflexionibus pro diversis ipsorum modis, personis, numeris, temporibusque; id a nobis posci, quod praestare hactenus nullo modo possumus. Quandoquidem ad nomina quod attinet, vix id paucis certo statui potest. Sic nominum desinentium in A generis feminini gignendi casus desinit in ai, ut Melissai=Melissae; totai=totae. Accusandi item casus singularis exit in AM, ut eitiuvam=aediculam. Pluralis in AS, ut maimas=salubres.

Pro secunda declinatione finita in VS ut Nuvlanus=Nolanus, nominandi casus pluralis est in ui, ut Abellanui, Calatui=Abellani, Calatini. Dativus pluralis exit in is, ut patriis, ocriis, ad Latinorum normam. Cur non

idem de casibus caeteris utriusque numeri dicendum? suadet equidem id ἡ ἀναλογία, sed destituimur tamen exemplis. De ablativo eiusdem declinationis constat exisse in O, quod oscis V, ut Castrud, actud = castro, actu. Et accusandi pariter casus singularis in OM, graecorum de more, ut dolom malom = dolum malum. Declin. 3. nominandi, accusandique casus pluralis in EIS, ut carneis = carnes. Pro quarta minime ambigendum, quin genitivus singularis fuerit EIS. Sic Senateis tanginud = Senatus decreto.

Verborum adhuc molestior inquisitio. Terminationum primae personae utriusque numeri, et modi cuiuscumque, nullum praesto est exemplum. Pro verbis activis pauca haec certa:

1. Praet. ind. 3. pers. sing. AD. vel ED. Eitiuvad = aedificavit. Prufatted, pruffed = probavit, protulit. Pass. signific. VSET, et ST. Prufattuset, fefacust = probatum est, factum est.

2. Fut. act. ET. Anget = aget, vel anget.

3. Subiunc. praes. 3. singul. AT. Havicat, tadiat = abigat, adeat.

4. Imper. 3. sing. VD. Licitud = liceto.

Nec inter operarum festinationem calamo praecipiti plura suppetit memoria. Vale.

Dabam Neap. X. Kal. Dec. an. 1843.

Addenda Lexico nostro Osco-Latino.

B. A.

𐌲𐌹𐌹𐌹𐌲𐌹. *Aciriis*. *Acirius*, vel *Acilius*. Nom.𐌲𐌹𐌶𐌹𐌲. *Acuis*. *Aquius*. Nom.𐌲𐌹𐌶𐌹𐌲. *Alpus*. *Albus*, vox Sabina. Graece Ἀλφος.
Hinc dictae *Alpes*.𐌲𐌹𐌹𐌹𐌹𐌹𐌲. *Aphiniis*. *Aphinius*. Nom.𐌲𐌹𐌹𐌹𐌹𐌹𐌲. *Amnud*. *Agno*. Graece ἀγνος. In agni
significationem prodit haec vox in Cippo Osco-
Abellano, ubi de sacris agitur terminalibus
agno faciundis.𐌹𐌹𐌹. 𐌹𐌹𐌹. *Am*. *Im* = *Eam*, eum.𐌲𐌹𐌶𐌹𐌲. *Anxur*. Scaligero rectius est *asur*, quasi
ἀσυρος. = intonsus. Ita dictus *Anxur* ob cultum
Iovis imberbis.𐌹𐌹𐌹𐌶𐌹𐌲. *Ausum*. Sic *aurum* dictum Sabinis,
unde probabile, dictos *Auselios*, qui deinde
Aurelii.

K. C. G. Q.

𐌲𐌹𐌹𐌹𐌹𐌹𐌹𐌹𐌹. *Clemens*. Nom.𐌹𐌹𐌹𐌹𐌹𐌹𐌹𐌹𐌹𐌹𐌹𐌹𐌹. *Cupelternum*. Sic in numo
pervetusto Paschalis de Iorio V. C. *Compulteria*,
oppidum in Samnio notissimum, facile haud
procul ab hodierno *Albiniano*.

E. E.

𐌹𐌹𐌹𐌹𐌹𐌹𐌹𐌹. *Erucini*. Veneris epitheton. Duplex Ro-
mae Veneri Erucini templum extitit, teste

Livio (a), alterum in Capitolio, ad Portam Col-
linam alterum. In denario C. Considii Noniani
templum cum titulo: ERVC.

IVΠΑΠΝΕ. *Emapui*. Quasi ἐνάπυοι. *Succlamantes*.

ΠΕ. *En*. In. Praep.

ΥΡΑΠΕ. *Endu*. Latine *endo* = *in hoc*. Ex amuleto
Dauno.

ΠΝΕΔ. *Erna*. Maris saxa; unde Hernici. *Caverna*
igitur Romanorum, quasi *ernarum cavatio*.

8. PH.

ΖΙΕΔ8. *Freis*. Metathesis pro *feris*, ἀπὸ τοῦ φέρειν,
ferre. Particip.

ΠΙ8. *Fil*. *Filius*. Ex amuleto Dauno.

I. I.

ΠΝΥΔΙ. *Iruni*. Gladiatores, aut munera gladiatoria,
ab *ira*.

ΖΙΕΠVI. *Iuveis* - *Iovis*. Casus rectus.

↓. L.

ΥΠ. Ex amuleto Dauno, quod Graecis λω, Latinis
volo.

ΖΙΕΠΥΠ. *Luveis*. = *lux*.

ΖΙΕΔ8ΠΥΠ. *Luvfreis*. Vox composita, *Lucifer*, seu
lucem ferens.

ΠΠ. M.

ΠΠΖΙΠΠΠ. *Melissai*, ut *aulai*. *Melissaeae* igitur,
non *Melissaci*, ut incaute olim.

ΠΠΠΠΠΠΠ. *Mamers*. Mars, unde

(a) Lib. XXII. XXIII. XXX. et XL.

ΣΙΚΔΕΜΕΡΚΙΣ *Mamercis*. Mamercus, et
ΣΗΙΤΔΕΜΕΡΝΑ. *Mamertinus*. Mamertinus.

Ν. N.

ΣΙΥΝΝΙΣΕΝ. *Nesimois*,
et

ΣΝΥΝΝΙΣΕΝ. *Nesimum*. Desinentia numerorum
ordinalium.

Σ. S.

ΣΙΣΣ. *Sais*. Sextus.

ΣΙΙΣΣΙΣ. *Slabiis*. Labeo a *labiis*.

ΣΥΒΣΒΣΤΣ. *Stlembus*. Pedibus stlembus Lucilio est equus piger, ac *tardus*. Hinc vernaculum *stumbo*, storpio.

ΣΥΣΒΣΣ. *Subolus*. Tuscis fuit *Tibicen*. Ex Festo.

Τ. T.

ΣΥΝΙΚΗΝΑΤ. *Tanginud*. Decretum, sententia ἀπὸ τοῦ τῶσσειν. Fortasse propius a *tongitione*, vel *tongione*, quae Praenestinis fuit *notio*, *cognitio*. Ennius: *alii rethorica tongent*. Idest, *noscent* (a).

Υ. V.

ΥΙΕΥ. *Veia*. Oscis non tantum *via*, sed et *plaustri* genus, unde *veiarum stipites* in *plastro*. In cippo Osco-Abell. *viuruvium* est a *via*, et *ruo*. Anne *veia* aliud a *via*? (b).

ΥΙΥ. *Vir*. Sic in quadrante unciali. Incertum, an

(a) Fest. ap. Ver. Flacc. pag. 484.

(b) Paul. ap. Ver. Flacc.

vox integra, vel dimidiata. Sestinius haeret, utrum *Osca* vox sit, an *Vmbra*. Atqui *Osca* sine haesitatione est (a). Nihil hic de *Hirpinis* cogitandum, vel *Hirrinis*, aut *Pitulanis*, quod Sestinius, Musarum omnium ingratis, suspicatur. Probabile admodum, nomen fuisse oppidi alicuius *Oscorum* eruditis adhuc inauditum.

Ad pag. 48 post v. 24 adde.

5. Pro III , vel III = sum, *Oscis videtur etiam usurpatum ipsum Latinorum sum*, si in *Lexico nostro* (b) recte bipartita est vox $\text{IVV} \cdot \text{IETATNE} \cdot \text{BED}$, quam pro una accepit V. C. Lanzius. Verbi huius, praeter imper. IVTV , esto, comperta sunt tert. sing. indic. praes. IT , est, et tert. plur. modi eiusd. I , vel IE , sunt, quibus adde tert. singularem futuri eiusd. modi IEE = erit.
6. In verbis tertiae coniugat. praeter. subiunct. pro tert. persona in ID. Sic $\text{IKK} \cdot \text{NEP}$ = pepigerit.

(a) Vid. Vermigl. Lett. ined. 1842. facc. 185. e segg.

(b) Pag. 38.

Monitum.

Ad pag. 26. v. 6. exciderat memoria *nomen*
viri literati Basileensis, cuius monitu sane oppor-
tuno nos profecisse, confessi sumus. Ecce nunc
illud obviam quaerentibus venit. I. I. *Bachofeu*.

Err.

Corr.

Pag. 47 v. 17. *paucis*

in paucis.

SCHOLI ON.

Osca vocis *Meddix* ἡ διττογραφία.

De affinitate literarum D, et R, adeoque al-
terius in alteram commutatione, res est vel ti-
ronibus comperta. Etiamnum vulgo *Maronna* pro
Madonna, et alia passim. Idem ab oscis factum
ad vocem *Meddix*, quam et *Merris* dixere. An
inde Gallorum *le Maire*, quod inter loquen-
dum, ut sit, in mentem venit viro docto, atque
amico? Prioris scriptionis exempla vide in Com-
nostro XI., ubi et $\sigma\lambda\omicron\gamma\rho\alpha\mu\mu\alpha\tau\acute{\omega}\varsigma \geq \text{J R R I W} =$
Meddiss (1). Posterioris autem lectionis exem-
pla confer ibidem (2).

Haec nisi aciem fugissent V. C. Avellinii, si-
bi procul dubio cavisset ab asserendo, vocem
hanc scribi oportere osce per $\mathfrak{R} = D$, numquam per
 $\mathfrak{Q} = R$. Cavisset item vocem \mathfrak{M} pro *Mario*
interpretari, quod ipse cum quibusdam arbitra-
tur, oscis stetisse cognominis loco. Siquidem vox

(1) Pag. 23.

(2) Pag. 9. 20. 24.

haec breviata est *Merris*, ut intelligi datur ex alio titulo (1), in quo *Mr. Aaciriz*. ¶ esse videtur *Meddix Acirius* (non *Acerranus*, ut perperam alibi) *Velii* idest *Filius*.

Minutulis hisce observantiunculis acuuntur curae, quae in re nova, fereque integra, numquam satis acui possunt. Et si per otium, viresque licebit, plura fortasse horum similia dabimus deinceps, sine dolo malo, alieno, nostrove periculo.

(1) Pag. 24. n. 5.